

Aralar taldeak gora egin du nabarmen azken hauteskundeetan. Legebiltzarrean ordezkari bat izatetik lau izatera pasatzen dira, eta horietako bat Elgetako alkate Oxel Erostarbe da. Sozialistek eta popularrek egin dako akordioaren, legez kanporatzearen, hauteskundeetako emaitzen eta ETaren gainean mintzatu da Erostarbe legebiltzarkidea elkarrizketan.

Oxel Erostarbe > Aralar taldeko legebiltzarkidea

"ETA desagertzean, geldiezin izango da ezker abertzale berriaren indarra"

MIREN ARREGI > ARRASATE

Elgetako alkate Oxel Erostarbe da Aralar taldeak legebiltzarrean estreinatu berri duen lan-taldeko kideetako bat.

Ibarretxerekin solasean ikusi zintugun Legebiltzarrean, mahaia osatzerakoan. Zer moduz, estreinaldia?

Eskertzekoa da lehendakariak ongi etorria egitea. EAJk bultzatutako politika askorekin ez nago ados, batez ere arlo sozialari edo azpiegiturei dagokienean. Baina aitortu beharra dago Ibarretxek pausoak eman dituela erabakitze eskubidearen alde; ez dut ulertzen EAJko sektore batek Ibarretxerekin duen jarrera.

Oposizioan egotea izango da zuen lana? Zelakoa?

Esan genuen oposiziotik eragitea zela gure lehentasuna, ez gobernuan egotea. Oposizioan gauden erakundeetan oposizio zorrotza, baina era berean erakitzailea egiten dugu; eta legebiltzarrean ere horri eutsiko diogu.

Zeintzuk izango dira Aralarren lehentasunak Eusko Legebiltzarrean?

Krisiari aurre egiteko neurriak hartzeak izan behar du lehentasuna eta guk gura genuke neurri horiek sindikatu eta bestelako eragileekin adostea. Horretaz gain, ez dugu atzera pausorik onartuko euskararen, hezkuntzan eta sufrimendu guztien aitorztan.

Zer iritzi daukazu sozialistek eta popularrek lortutako akordioaren gainean?

Akordioak aitortzen du hemen herri desberdin bat dagoela. Ez da kasualitatea alderdi konstituzionalistak Nafarroan eta EAEn elkartzeara. Gehiengo abertzalea duen erkidegoan Patxi Lopez izango da lehendakari, PPren babesarekin.

Parlamentuko presidentea eta lehendakari izango denak euskaraz ez jakitea zeren adierazle da?

Euskaldunoi begira errespetu falta bat iruditzen zait euskaraz dakien pertsona bat ipintzeko aukera izan eta erdalduna izatea parlamentuko presidentea. Larriagoa PSE-EEk PPK egindako aukerari amen egitea. Patxi Lopezek ikasiko du euskaraz, lau urte ditu horretarako.



Oxel Erostarbe Gasteizen, Eusko Legebiltzarreko sarreran.

GOIENKARIA

Huteskundeen emaitza orokorreari dagokionean, zein da egiten duzun hausnarketa?

Zilegia den aukera bat kanpo uzteak baldintzatu egiten du analisia. PSE-EEk uste baino emaitza okerragoak izan ditu; EAJk gora egin du Ibarretxeri esker; eta ezkerreko eta abertzaleon artean gero eta gehiago gara ez gaude-nak prest ETaren zain egoteko.

EA, Aralar, Ezker Abertzalea... Abertzaleak eta ezkerrekoak diren horrenbeste alderdientzako tokirik ba al dago?

Ezker Abertzale berriaren oinarriak zehaztu ditu Aralarrek: ezkerrekoa, abertzalea, zibila eta zabala. ETak desagertzea erabakitzen duenean geldiezin izango da ezker abertzale berriak izango duen indarra.

Europako hauteskundeetara aurkeztuko zarete ERCrekin batera. Zer da Europen egotea lortuz gero, defendatuko duzuen?

KONSTITUZIONALISTAK
"PSE-EE eta PPren arteko akordioak aitortzen du hemen herri desberdin bat dagoela"

HITZA
"Ezkerreko eta abertzaleon artean gehiengo bat gara arma moduan hitza erabili gura dugunak"

EUROPA
"Europen politika sozialak eta fiskalitate aurrerakoia bultzatuko ditugu koalizioan"

Koalizio berria osatu dugu ERCk eta Aralarrek, beste alderdiei zabalik dagoena. Politika sozialak eta fiskalitate aurrerakoia bultzatuko dugu eta era berean Europen herriok gure lekua izatea defendatuko dugu.

Legebiltzarkide bat izatetik lau izatera pasatu da Aralar. Espero zenituzten emaitzak? Zein irakurketa egiten duzue?

Ezkerreko eta abertzaleon artean gehiengo bat gara arma moduan hitza erabili gura dugunak. Ezker abertzale berria egituratzeko gogoaren eta lau urtean egindako lanaren ondorioz, babes zabala lortu dugu. Gazteek babestu dute Aralar. Gora egin dugu eta orain lan egitea dagokigu, emandako konfiantzari behar den moduan erantzuteko.

Askok uste dute, orain arte ez bezala, oraingoan kanpaina indartsua egin duzuela. Horrek ere izan du eragina?

Kanpaina mezu argia eman dugu, baina uste dut independentziara bidean elkarlanaren aldarria egitea eta erakundeetan politika aurrerakoien alde egitea izan direla gure emaitza onen arrazoia.

Gizartean asko dira Ezker Abertzalea ezin aurkezteak zuei boto asko eman dizuetela diotenak. Zuen emaitzek errealitatea islatzen dute?

Botoak herritarrenak dira eta eurek dakite ondoen zergatik babestu duten aukera bat edo beste. Aralarren aldeko hautua egin duten askok Aralar sendotzea etorkizunean ezker abertzale indartsu bat izateko aukera onena dela sinistuta egin dute.

Ezker abertzalea osatzen dugunon gehiengoak barneratuta dugu ETaren garaia atzean lagatzeko ordua dela. Denbora kontua da ezker abertzalearen gehiengoak ETaren borrokaren gainean Aralarrek esandakoak bere egitea.